



Centro Nacional Chega! I.P

Da Memória à Esperança



KOMUNIKADU IMPRENSA

Centro Chega! I.P Asina Nota Entendementu Ho Asosiasaun Vítima Konflitu Polítiku 1974-1999

Dili, (21 Feveiru 2025) - Centro Nacional Chega! I.P asina Nota Entendementu ka *Memorandum of Understanding (MoU)* ho Asosiasaun Vítima Konflitu Polítiku (AVKP 1974-1999) hodi hametin parseria. Serimonia asina nota entendementu ne'e realiza iha Salau GAO-CC, Antigo Comarca Balide-Dili.

Objetivu husi asina nota entendementu ne'e mak atu servisu hamutuk ba fortalesementu Institusionál (dezenvolve kapasidade organizasaun) apoia servisu sira kona-ba implementasaun atividade komemorasaun eventu/loron istóriu, organiza rede advokasia ba sobrevivente iha nasional no munisípiu, apoia rejistu nomós prezervasaun memória Vítima vulneravel liu sira nian, hakbiit ekonomia vítima vulneravel liu sira nian hodi hola parte suporta no hametin ekonomia nasional, haktuir rekomendasaun Chega! no Per Memoriam Ad Spem! relasóna ho knar Solidariedade inklui atendementu seluk ba vítima funu sira nian.

Prinsípiu fundamentál ba estabelesimentu kooperasaun ne'e bazeia ba dignifikasaun ba rekoñesementu, promove valór no espírito Solidariedade, konsidera ba inkluzivu, no servisu hamutuk ba vítima funu sira no apoia ba desenvolve rede kooperasaun servisu. Alende ne'e, halo atendementu hotu ba vítima funu sira nian ne'ebé hatúr ho rekoñesementu ba ema, família no comunidade ne'ebé nu'udár vítima funu (*Patriota*) ba libertasaun Timor-Leste, hodi hetan tulun adekuaudu ba sira nia moris ho nune'e sira bele partisipa di'ak iha desenvolvimentu nasional.

Selebrasaun nota entendementu ne'e, hodi hatan ba Planu Anuál Centro Chega! tinan 2025 ho Programa, Combatente da Libertação Nacional, Subprograma, Serviço Advocacia no Atividade Fortalecimento de Associação de Vítimas no Instituição da Resistência, iha ne'ebé hatúr iha Programa Governu Konstitusionál da-sia (IX), deskreve katak Governu sei kontinua apoiu Centro Chega! I.P nia programa ho nia iniciativa sira hodi fó apoiu asisténsia ba sobrevivente vulneravel sira (*Patriota Funu*) no promove rekonsiliaun ba Paz no Dame iha nivel komunitária, nasional no internasionál nu'udár implementasaun formal ba rekomendasaun Chega! no PMAS nian.

Iha tinan 2018, Centro Nacional Chega! I.P. hala’o ona atividade lubuk ida husi implementasaun rekomendasaun Chega! no Per Memoriam Ad Spem (PMAS), espesífiku iha área solidariedade ba sobrevivente, hanesan: *Programa formasaun ba grupu no sobrevivente, reunifikasaun labarik lakon, fortalecimento ba Organizasaun Sobrevivente sira, apoiu Akonselamentu ba Sobrevivente, Komemorasaun Eventu Istóriu, Apoiu Pontual ba Sobrevivente ne’ebé husi Ministério Sosiál Solidariedade no Inkluziun (MSSI), Apoiu Saúde Fiziku no Mental husi Ministério Saúde, Estabelese Baze de Dados ba Sobrevivente, Apoiu Asisténsia Umanitária, harii Uma Memoria ba Esperansa* ba Sobrevivente kolabora ho Asosiasaun Vítima Konflitu Polítiku 1974-1999, Estabelesimentu polítika Reparasaun Nasionál nian nomos Grupu Traballu prepara Lei ba Reparasaun Nasionál.

Entertantu, nota entendementu ida ne’e validu durante tinan tolu (3) no téknikamente sei hahú implementa iha fulan Marsu 2025 to’o Dezembru 2027.

- Remata -

Ba informasaun liu tan kontaktu:

Raimundo Sarmiento Fraga

Ofisiál Média no Komunikaun

Email: rsfraga@centrochega.gov.tl

Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri’ik nu’udar institutu públiku ida ne’ebé estabelese ho dekretu Lei n.º. 48/2016. Centro Chega! I.P nia vizaun mak: “Sosiedade ida ne’ebé inkluzivu, la repete istória pasadu nian, moris iha dame, no respeitu ba direitus umanu”. Nia misaun mak: “Harii sentru Pós-konflitu ne’ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne’ebé relevante”.